

1. Ե՞րբ է գահակալել Տրդատ II –ը.

- 1) 185–198 թթ.
- 2) 216–252 թթ.
- 3) 252–260 թթ.
- 4) 198–215 թթ.

2. Ե՞րբ է անգլիական «Արևելահնդկական ընկերությունը» պայմանագիր կնքել հայ վաճառականների հետ.

- 1) 1699 թ.
- 2) 1688 թ.
- 3) 1690 թ.
- 4) 1683 թ.

3. Ե՞րբ է հիմնադրվել Լազարյան ճեմարանը.

- 1) 1815 թ.
- 2) 1824 թ.
- 3) 1837 թ.
- 4) 1810 թ.

4. Ե՞րբ է կառուցվել Արտաշատ մայրաքաղաքը.

- 1) Ք. ա. մոտ 185 թ.
- 2) Ք. ա. մոտ 175 թ.
- 3) Ք. ա. մոտ 165 թ.
- 4) Ք. ա. մոտ 160 թ.

5. Ե՞րբ են հայ-պոնտական զորքերը գրավել Կապադովկիան.

- 1) Ք. ա. 91 թ.
- 2) Ք. ա. 95 թ.
- 3) Ք. ա. 93 թ.
- 4) Ք. ա. 87 թ.

6. Ե՞րբ հրաժարական տվեց Ալեքսանդր Խատիսյանի կառավարությունը.

- 1) 1920 թ. մայիսի 13–ին
- 2) 1920 թ. մայիսի 5–ին
- 3) 1920 թ. նոյեմբերի 25–ին
- 4) 1920 թ. մայիսի 10–ին

7. Ե՞րբ է Եսայի Հասան–Ջալալյանը դարձել Գանձասարի կաթողիկոս.

- 1) 1700 թ.
- 2) 1711 թ.
- 3) 1705 թ.
- 4) 1701 թ.

8. Ե՞րբ են հայ–վրացական ուժերն ազատագրել Ամբերդը.

- 1) 1203 թ.
- 2) 1206 թ.
- 3) 1196 թ.
- 4) 1199 թ.

9. Որտե՞ղ է կառուցվել Սամուսատ քաղաքը.

- 1) Կապադովկիայում
- 2) Փոքր Հայքում
- 3) Կոմմագենեում
- 4) Ծոփքում

10. Ո՞ր պատմիչն է 363 թ. կնքված հռոմեա–պարսկական պայմանագիրն անվանել «ամոթալի».

- 1) Արիանոս
- 2) Ամմիանոս
- 3) Ապպիանոս
- 4) Բուզանդ

11. Ո՞րն է ՀՀ–ի երկրորդ բարձր լեռնագագաթը.

- 1) Թոնդուրեկ
- 2) Կապուտջուղ
- 3) Սիփան
- 4) Արագած

12. Ո՞ր գավառը չէր մտնում ռուս–թուրքական 1877–1878 թթ. պատերազմից հետո ձևավորված Կարսի մարզի մեջ.

- 1) Կաղզվան
- 2) Կարս
- 3) Ալաշկերտ
- 4) Օլթի

13. Ո՞ր գավառում էր Բագավանի տաճարը.

- 1) Եկեղյաց
- 2) Արտազ
- 3) Բագրևանդ
- 4) Դարանաղի

14. Ո՞վ էր գլխավորում 484 թ. Հայաստան ներխուժած պարսկական զորքերին.

- 1) Հազարավուխտը
- 2) Նիխորը
- 3) Սուրենը
- 4) Ատրվշնասպը

15. Որքա՞ն էր 1921-1936 թթ. Հայաստան ներգաղթածների ընդհանուր թիվը.

- 1) 42 հազար
- 2) 51 հազար
- 3) 90 հազար
- 4) 23 հազար

16. Ո՞ւմ կողմից է արվել «առանց հապաղելու հաց տրամադրել Կարմիր բանակին» կոչը.

- 1) Ժողկոմխորհի
- 2) Ռազմհեղկոմի
- 3) ՉԵԿԱ-ի
- 4) ՀԿ(բ)Կ կենտկոմի

17. Ո՞ր պատմիչի խոսքերն են. «Նա քաղաքը շրջապատեց 50 կանգուն բարձրության պարիսպով, որի հաստության մեջ կային ձիերի բազմաթիվ ախոռներ: Քաղաքի արվարձանում նա կառուցեց պալատ՝ ընդարձակ զբոսայգիներով, որսատեղերով և լճերով: Մերձակայքում նա բարձրացրեց նաև հզոր մի բերդ»:

- 1) Պլուտարքոսի
- 2) Ամմիանոսի
- 3) Տակիտոսի
- 4) Ապպիանոսի

18. Ո՞ր պատմիչի աշխատությունից են մեջբերված խոսքերը. «...գոյություն ունեն հայոց լեզվի նշանագրեր, որոնցով հնարավոր է սեփական ձայնով և ոչ թե մուրացած լեզվով եկեղեցիներում շահել տղամարդկանց ու կանանց և առհասարակ ամբողջ բազմության սրտերը»:

- 1) Վարդան Արևելցի
- 2) Կորյուն
- 3) Մովսես Խորենացի
- 4) Ղազար Փարպեցի

19. Թվարկվածներից ո՞րը Կիլիկիայի հայկական պետության կառավարման գլխավոր մարմնի՝ արքունիքի կառուցվածքային բաղադրատարրերից չէր.

- 1) պետական խորհուրդ
- 2) արքունի խորհուրդ
- 3) բարձրագույն դատական ատյան
- 4) գործակալություններ

20. Ի՞նչ էր կոչվում Հայաստանի արևմտյան մասի կառավարիչն Աքեմենյան տիրապետության օրոք.

- 1) մարզպան
- 2) ստրատեգոս
- 3) հյուպարքոս
- 4) սատրապ

21. Թվարկվածներից ո՞րն Արմֆանի ստեղծման պատճառ չէր.

- 1) գիտական աշխատանքների համակարգման անհրաժեշտությունը
- 2) միասնական գիտական կենտրոնի ստեղծման անհրաժեշտությունը
- 3) գիտատեխնիկական հեղափոխության ծավալումը
- 4) գիտահետազոտական հիմնարկների թվաքանակի աճը

22. Ինչո՞ւ արգելվեց հայկական մեհենագրության կիրառումը.

- 1) քանի որ քրիստոնեությունը պետական կրոն հռչակվելուց հետո արգելվեց նախորդ կրոնը
- 2) քանի որ այն դժվար էր կիրառել
- 3) քանի որ հունարենն ու ասորերենը ավելի լայն տարածում գտան ժողովրդի շրջանում
- 4) քանի որ ստեղծվել էր հայոց այբուբենը

23. Իրադարձությունները դասավորել ժամանակագրական հաջորդականությամբ.

ա. Ծումբի ճակատամարտը

բ. Տայքի միացումը Բյուզանդիային

գ. Անիի Սմբատաշեն պարիսպների կառուցումը

դ. Աշոտ III-ին թագադրելու հանդիսությունները

ե. Տայքի Դավիթ Կյուրապատի մահը

զ. Անիի Աշոտաշեն պարիսպների կառուցումը

- 1) դ, գ, գ, ա, ե, բ
- 2) գ, դ, գ, ա, բ, ե
- 3) դ, գ, գ, ե, ա, բ
- 4) դ, գ, գ, ա, բ, ե

24. Ըստ ժամանակագրական հաջորդականության՝ թվարկված իրադարձություններից ո՞րն է տեղի ունեցել չորրորդը.

ա. Հայհեղկոմի կողմից Հայաստանում պարենհարկ մտցնելը

բ. Անդրդաշնության (ԱԽՍՀԴՄ) ստեղծումը

գ. Վրաստանի խորհրդայնացումը

դ. Լեոնային Ղարաբաղի՝ ինքնավար մարզի կարգավիճակ ստանալը

ե. հայ-վրացական սահմանագատման մասին վերջնական համաձայնագրի ստորագրումը Թիֆլիսում

զ. Կարսի պայմանագրի կնքումը

- 1) գ
- 2) ե

- 3) դ
- 4) ք

25. Կատարել համապատասխանեցում.

Անուն

- 1. Կարապետ Սիմոնյան
- 2. Սիմոն Զաքյան
- 3. Նելսոն Ստեփանյան
- 4. Գևորգ Վարդանյան
- 5. Նվեր Սաֆարյան

Փաստ

- ա. հայկական 89-րդ դիվիզիայի հրամանատարը 1943 թ. փետրվարից
 - բ. ԽՍՀՄ կրկնակի հերոս
 - գ. Երկրորդ աշխարհամարտում առաջին հայ ԽՍՀՄ հերոսը
 - դ. հայկական 390-րդ դիվիզիայի հրամանատար
 - ե. Հայրենական մեծ պատերազմի առաջին հայ ԽՍՀՄ հերոսը
 - զ. ԽՍՀՄ հերոս, լեգենդար հետախույզ
- 1) 1-ե, 2-դ, 3-զ, 4-բ, 5-ա
 - 2) 1-զ, 2-դ, 3-բ, 4-զ, 5-ա
 - 3) 1-ե, 2-զ, 3-դ, 4-ա, 5-բ
 - 4) 1-զ, 2-դ, 3-զ, 4-ա, 5-բ

26. Գարունիների անունները համապատասխանեցնել ուսումնագիտական կենտրոններին.

- 1. Նարեկավանք
 - 2. Անիի վարդապետարան
 - 3. Նոր Գետիկ
 - 4. Գլաձոր
 - 5. Տաթև
- ա. Հովհան Որոտնեցի
 - բ. Ներսես Լամբրոնացի
 - գ. Մխիթար Գոշ
 - դ. Անանիա Նարեկացի
 - ե. Եսայի Նչեցի
 - զ. Հովհաննես Իմաստասեր
- 1) 1-դ, 2-ե, 3-բ, 4-զ, 5-ա
 - 2) 1-բ, 2-ե, 3-դ, 4-զ, 5-զ
 - 3) 1-դ, 2-զ, 3-ա, 4-ե, 5-զ
 - 4) 1-դ, 2-զ, 3-զ, 4-ե, 5-ա

27. ՀՀ խորհրդարանական ընտրությունների համար «Միասնություն» դաշինքը կազմեցին.

- 1) ՀՀԿ-ն, ԲՀԿ-ն, Երկրապահ-կամավորականների միությունը
- 2) «Ժառանգություն»-ը, ՀԺԿ-ն, ԲՀԿ-ն

- 3) Երկրապահ-կամավորականների միությունը, ԲՀԿ-ն, «Ժառանգություն»-ը
- 4) ՀԺԿ-ն, ՀՀԿ-ն, Երկրապահ-կամավորականների միությունը

28. Ե՞րբ է Հայաստանի առաջին հանրապետությունում հանդիսավորապես բացվել համալսարանը.

- 1) 1920 թ. հունիսի 31-ին
- 2) 1921 թ. հունվարի 16-ին
- 3) 1920 թ. հունվարի 31-ին
- 4) 1919 թ. մայիսի 16-ին

29. Ե՞րբ է թուրքական 10-հազարանոց բանակը չերքեզների ավազակային ջոկատների ուղեկցությամբ արշավել Ջեյթունի վրա.

- 1) 1862 թ.
- 2) 1864 թ.
- 3) 1863 թ.
- 4) 1860 թ.

30. Թվարկված մտավորականներից ո՞վ չի հանդիսացել 1826-1828 թթ. ռուս-պարսկական պատերազմի օրերին ռուսական արքունիք ներկայացված Հայաստանի ազատագրության նախագծի հեղինակ.

- 1) Կարապետ Արղությանը
- 2) Հովսեփի Արղությանը
- 3) Ալեքսանդր Խուդաբաշյանը
- 4) Խաչատուր Լազարյանը

31. Ո՞րն էր մինչև նոր սահմանադրության ընդունումը պետության իրավական կարգավիճակը որոշող հիմնական փաստաթուղթը Հայաստանում 1990-ական թթ. սկզբին.

- 1) «Ղարաբաղ» կոմիտեի ծրագիրը
- 2) Անկախության հռչակագիրը
- 3) ՀՀՇ-ի ծրագիրը
- 4) ՀԽՍՀ սահմանադրությունը

32. Ո՞ւմ գահակալման հետ կապված է հռոմեական պատմիչը նշել, թե «...Արևելքում իրենց ամենից շատ հոգսեր են պատճառել հայերը»:

- 1) Տիգրան IV-ի
- 2) Արտավազդ III-ի
- 3) Արտաշես II-ի
- 4) Տիգրան II-ի

33. Ո՞վ է բերված վկայության հեղինակը.

«Անիի տիրակալներից հետո «շահնշահ» տիտղոսն անցավ Գագիկ Կարսեցուն»:

- 1) Վարդան Արևելցին
- 2) Կիրակոս Գանձակեցին
- 3) Մովսես Կաղանկատվացին
- 4) Սատթեոս Ուռհայեցին

34.Թվարկվածներից որո՞նք են բնորոշ իրավապաշտպանին.

ա. պայքարում էր բնության և շրջակա միջավայրի պաշտպանության համար

բ. անընդունելի էր համարում խորհրդային օրենքները և պաշտոնապես հռչակված արժեքները

գ. խորհրդային իշխանություններից պահանջում էր պահպանել օրենքները և ԽՍՀՄ սահմանադրությունը

դ. խորհրդային իշխանության դեմ զինված պայքար էր մղում

ե. պայքարում էր մարդու իրավունքների պաշտպանության համար

- 1) ա, դ
- 2) գ, ե
- 3) գ, դ
- 4) բ, ե

35. Թվարկվածներից ո՞րը 571-572 թթ. հակապարսկական ապստամբության պատճառներից չէ.

- 1) պարսից արքայի կողմից սեպուհներին հողեր ժառանգելու իրավունքի շնորհումը
- 2) վարչական ու կրոնական ճնշումների ուժեղացումը
- 3) հայ բնակչության հարստահարության շարունակումը
- 4) հարկերի ու տուրքերի ծանրացումը

36. Իրադարձությունները դասավորել ժամանակագրական հաջորդականությամբ.

ա. Արդինի-Մուսասիր երկրի ներառումը Վանի թագավորության կազմում

բ. «Նաիրի» մեկ միասնական պետական կազմավորման հիշատակումը

գ. Տուշպա մայրաքաղաքի հիմնադրումը

դ. Արամ Ուրարտացու դիմակայելն ասորեստանյան արշավանքներին

- 1) բ, դ, գ, ա
- 2) դ, բ, գ, ա
- 3) բ, գ, դ, ա
- 4) դ, բ, ա, գ

37. Իրադարձությունները դասավորել ժամանակագրական հաջորդականությամբ.

ա. Եղվարդի ճակատամարտը

բ. Էջմիածնի գաղտնի ժողովի գումարումը Հակոբ Ջուղայեցու գլխավորությամբ

գ. Բաղիշեցի վաճառական մահտեսի Շահնուրատի ժամանումը Փարիզ բանակցությունները շարունակելու համար

դ. Օրու ժամանումը Սպահան

ե. Դավիթ բեկի մահը

զ. Էրզրումի թուրք-պարսկական պայմանագրի կնքումը

1) գ, ա, բ, ե, զ, դ

2) դ, բ, գ, ե, ա, զ

3) բ, գ, դ, ե, ա, զ

4) գ, բ, դ, ե, զ, ա

38. Արտաշես I-ի՝ Մեծ Հայքին միացրած տարածքները համապատասխանեցնել ուղղությանը.

1. արևելք

2. հարավ

3. հյուսիս

4. արևմուտք

ա. Կարնո երկիր, Եկեղիք, Դերջան

բ. Գուգարք

գ. Շոփք, Կոմմագենե

դ. Փայտակարան, Կասպեից երկիր

ե. Տնորիք

1) 1-ա, 2-ե, 3-բ, 4-դ

2) 1-գ, 2-բ, 3-ե, 4-դ

3) 1-դ, 2-ե, 3-բ, 4-ա

4) 1-դ, 2-բ, 3-ե, 4-գ

39. Ընտրել տերմինների կամ հասկացությունների սխալ բացատրությունները.

1) Էջմիածնում հիմնված մշակութային-պատմական ինստիտուտը 1925 թ. վերափոխվելուց հետո կոչվեց Գիտության և արվեստի ինստիտուտ:

2) 1988 թ. փետրվարի 20-ին ԼՂԻՄ մարզխորհրդի արտահերթ նստաշրջանի օրակարգում դրված հարցը վերնագրված էր՝ «Լեռնային Ղարաբաղի Ինքնավար Մարզի Գերագույն խորհրդի միջնորդությունը՝ երկրամասը Ադրբեջանական ԽՍՀ-ից հանելու և Հայկական ԽՍՀ-ի կազմի մեջ մտցնելու մասին»:

3) 1920-ական թթ. ստեղծված գյուղացիական միացյալ տնտեսությունների ձևերից էին սովխոզները, արտելները, կոմունաները:

4) Մինչև 1991 թ. նոյեմբերի կեսերը նոր ինքնիշխան պետությունների ղեկավարների քննարկած միութենական պայմանագրի նախագծի վերջնական տարբերակում նոր միությունը բնութագրվում էր որպես «համադաշնային ժողովրդական պետություն»:

5) 1947 թ. ապրիլի 30-ից մայիսի 4-ը Նյու Յորքում կայացած Հայկական համաշխարհային կոնգրեսի նախաձեռնող կազմակերպությունը կոչվում էր Ամերիկայի Հայկական ազգային խորհուրդ:

6) 1987 թ. հունիսի 18-ին 1915 թ. հայերի ցեղասպանությունը դատապարտած մարմինը կոչվում էր Եվրոպական միություն:

40. Գտնել սխալ պատասխանները:

Ինչո՞ւ 1918 թ. հնարավոր չէր պաշտպանել մեր հայրենիքի արևմտյան մասը.

- 1) հայկական կանոնավոր զորամասերի համալրումը դեռ չէր ավարտվել, և նրանց զգալի մասն էլ թիկունքում էր
- 2) Անտանտի երկրների՝ ստանձնած պարտավորությունները չկատարելու պատճառով
- 3) Խորհրդային Ռուսաստանի բրեստյան պարտվողական քաղաքականության պատճառով
- 4) Ռուսաստանը պարտավորվել էր հայկական տարածքները հանձնել Թուրքիային՝ վճարելիք ռազմատուգանքի փոխարեն
- 5) մենշևիկների և մուսավաթականների հակահայկական դաշինքի պատճառով

41. Գտնել ճիշտ պնդումները.

- 1) Ադանայում տեղի ունեցան բողոքի ցույցեր, որոնց մասնակիցները պահանջում էին հրաժարվել Սսի ժողովի որոշումները կենսագործելուց:
- 2) Եկեղեցիների միավորման հակառակորդների մի մասին ձերբակալում և աքսորում են Կահիրե, իսկ մյուսներին բանտարկում են:
- 3) Բուն Հայաստանում նույնպես հրաժարվեցին Սսի և Ադանայի ժողովների որոշումները կատարելուց:
- 4) Հայ հասարակության մեջ առաջացավ մի խմբավորում, որը փորձում էր Հայոց եկեղեցին միավորել քրիստոնեական մյուս եկեղեցիների հետ. այն ստացավ հակաունիթորներ անվանումը:
- 5) Երբ Օշին թագավորը և Կոստանդին Կեսարացի կաթողիկոսը փորձեցին իրագործել Սսի ժողովի որոշումները, հանդիպեցին հայ բնակչության համառ դիմադրությանը:

42. Իրադարձություններից ո՞րն է խախտում տրված շարքի ժամանակագրական հաջորդականությունը.

- 1) Վախթանգ Գորգասալի գահակալության սկիզբը
- 2) Գյուտ կաթողիկոսի գահակալության սկիզբը
- 3) Հովսեփ Վայոցձորցու և Ղևոնդ Երեցի նահատակությունը
- 4) Պերոզի հրամանով Գյուտ կաթողիկոսի մեկնումը Տիգրոն
- 5) Գյուտ կաթողիկոսի վերադարձը Տիգրոնից և հաստատվելը Վանանդում
- 6) Ուրացյալ Վազգեն Բդեշխի սպանությունը

43. Իրադարձությունները դասավորել ժամանակագրական հաջորդականությամբ.

- 1) «Լոռու չեզոք գոտի» ժամանակավորապես վրացական զորքեր մտցնելու մասին Թիֆլիսում հայ-վրացական համաձայնագրի ստորագրումը
- 2) պետական լեզվի մասին օրենքի ընդունումը ՀՀ խորհրդարանի կողմից
- 3) Հայաստանի բոլշևիկյան կազմակերպությունների միավորումը և կենտրոնական ղեկավար մարմնի՝ Հայաստանի կոմիտեի (Արմենկոմ) ստեղծումը
- 4) Ալեքսանդր Խատիսյանի գլխավորած կառավարության հրաժարականը
- 5) հայ-վրացական պատերազմի ավարտը

44. Տարեթվերը համապատասխանեցնել Մեծ եղեռնի ժամանակ տեղի ունեցած իրադարձությունների հետ.

ա. Օսմանյան տերության քաղաքացիների մուտքն ու ելքը կայսրությունից արգելող հասուկ օրենքի հրապարակումը

բ. Վանի ազատագրումը

գ. հայ զինծառայողներին հրամանատարական պաշտոններում նշանակելու արգելքը

դ. Թալեաթի, Էնվերի և Նազըմի կողմից ստորագրված հայերի ոչնչացման հրամանի ուղարկումը Օսմանյան կայսրության նահանգային իշխանություններին

ե. Ըստ վաղօրոք կազմված ցուցակների՝ ավելի քան 2300 մարդու կալանումը Կ. Պոլսում

1) 1915 թ. ապրիլի 5

2) 1915 թ. ապրիլի 7

3) 1915 թ. մայիսի 5

4) 1915 թ. ապրիլի 11 (նոր տոմարով՝ ապրիլի 24)

5) 1915 թ. փետրվարի 25

6) 1915 թ. ապրիլի 15

45. Տրված 6 պնդումներից յուրաքանչյուրի համար ընտրել՝ Ճիշտ է, Միսալ է, Չգիտեմ պատասխաններից որևէ մեկը:

1) Հայ-հռոմեական պատերազմը սկսվեց Ք. ա. 69 թ. գարնանը և ընթացավ երկու փուլով:

2) Պատերազմի առաջին փուլում հայոց բանակը միայն հաղթանակներ տարավ, այդ պատճառով Լուկուլլոսը պաշտոնանկ արվեց:

3) Հռոմեական կայսրությունը Ք. ա. առաջին դարի սկզբներին հզորացել էր և ծրագրել էր գրավել Փոքր Ասիան:

4) Փոքր Ասիայում գերիշխանության էր ձգտում նաև Միհրդատ Պոնտացին:

5) Հզոր Հայաստանի գոյությունը Հռոմի առջև փակել էր դեպի Եգիպտոս տանող բոլոր ճանապարհները:

6) Հայ-հռոմեական պատերազմի սկսվելու պատճառը Միհրդատ Եվպատորին հանձնելու հռոմեացիների պահանջի մերժումն էր հայոց արքայի կողմից:

Բ մակարդակ

46. Ընտրել տերմինների կամ հասկացությունների սխալ բացատրությունները.

ա. 1917 թ. մարտի 9-ին ժամանակավոր կառավարության կողմից Անդրկովկասում ստեղծած գործադիր իշխանության նոր մարմինը կոչվում էր Անդրկովկասյան սեյմ:

բ. Բոլշևիկների Հոկտեմբերյան հեղաշրջումից հետո Այսրկովկասում ստեղծված իշխանության նոր մարմինը կոչվում էր Անդրկովկասի սարիաստ:

գ. Լոնդոնում դիվանագետներ Մ. Սայքսի ու Ժ. Պիկոյի միջև կնքված համաձայնագրով հիմնականում հայերից ստեղծված գործադիրը կոչվում էր «Արևելյան լեգեոն» (Հայկական լեգեոն):

դ. Ռուսաստանի ժամանակավոր կառավարության կողմից Արևմտյան Հայաստանի գլխավոր կոմիսար Ավերյանովին հասցեագրված գաղտնի փաստաթուղթը կոչվում էր «Ղեկավար հրահանգներ»:

ե. 1906 թ. օգոստոսին Էջմիածնում հայ հասարակական շրջանակների հրավիրած ժողովը հայտնի է պատգամավորական Կենտրոնական ժողով անունով:

զ. 1916 թ. մարտ-օգոստոս ամիսներին հայկական կամավորական ութ ջոկատներից վերակազմակերպված վեց կազմավորումները կոչվում էին հայկական հրաձգային գնդեր:

1) ա, գ, զ

2) բ, գ, ե

3) բ, դ, ե

4) ա, դ, զ

47. Գտնել տերմինների կամ հասկացությունների սխալ բացատրությունները.

ա. Որոշ ուսումնասիրողների կարծիքով Աստղիկը եղել է նաև ռազմի դիցուհի:

բ. Հայաստանի քրմապետը նաև համարվում էր Մեծ դատավոր:

գ. Հայաստանում Ք. ա. III դարից սկսված ժամանակաշրջանը հայտնի է «ուշ հելլենիստական» անունով:

դ. Արամազդը երկրի և երկնքի արարիչ, մարդկանց բարօրություն, լիություն ու արիություն շնորհող աստվածն էր:

ե. Վահագնը ռազմի, քաջության և ամպրոպի աստվածն էր:

զ. Հելլենիզմի դարաշրջանում հայոց մեջ տարածված կրոնը միաստվածային էր:

է. Զրադաշտականությունն իր բնույթով դուալիստական կրոն է:

1) ա, գ, զ

2) բ, ե, զ

3) ա, գ, ե

4) բ, դ, ե

48. Հայաստանի իշխանությունները Թիֆլիսի 1920 թ. օգոստոսի 10-ի համաձայնագրին կարևոր նշանակություն չէին տալիս, որովհետև՝

ա. այն համարում էին ժամանակավոր:

բ. երկրի արտաքին քաղաքականության գլխավոր նպատակը և Հայկական հարցի լուծումը կապում էին Սևրի պայմանագրի հետ:

գ. մտածում էին, որ իրենք ստեղծված իրավիճակում այլ ելք չունեն:

դ. նրանք հասկանում էին, որ Սևրի պայմանագիրը հնարավոր չէ իրագործել:

ե. համոզված էին, որ եվրոպական հզոր պետությունների ջանքերով կիրագործվի Սևրի պայմանագիրը:

զ. գերագնահատում էին Ռուսաստանի դերը տարածաշրջանային խնդիրներում:

է. ենթադրում էին, որ դրանով կխոչընդոտեն քեմալա-բոլշևիկյան համագործակցության ամրապնդմանը:

1) ա, բ, ե

2) բ, գ, է

3) դ, գ, է

4) ա, գ, ե

49. Ստորև թվարկված պատմական իրադարձությունների պատճառներից և հետևանքներից որո՞նք են սխալ.

ա. Վարդանանց պատերազմի արդյունքը հայոց երկրի ներքին ինքնուրույնության պահպանումն էր:

բ. Խաղխաղի ճակատամարտի հետևանքը պարսից գորավար Միհրանի քսանհազարանոց զորքի պարտությունն էր:

գ. Հայ իշխանների միջև առաջացած տարաձայնություններին Մաջյան ամիրաների միջամտության առիթը Նախճավան քաղաքի համար վեճն էր:

դ. 1137 թ. Հովհաննես Կոմնենոս կայսեր՝ Կիլիկիա արշավանքի պատճառը Թորոս I-ին միջերկրածովյան շրջանից դուրս մղելն էր:

ե. Անտիոքի իշխանի որդի Ֆիլիպին հայոց գահից զրկեցին նրա ոչ հայամետ քաղաքականության պատճառով:

զ. 1243 թ. Սիսի եկեղեցական ժողովի հետևանքը Քաղկեդոնի երկաբնակության դավանանքի ընդունումն էր:

1) ա, գ, դ

2) բ, ե, գ

3) ա, բ, գ

4) բ, դ, գ

50. Տիգրան Մեծի նվաճումներից ո՞րն է տեղի ունեցել յոթերորդը՝ ըստ ժամանակագրական հաջորդականության.

ա. Մարաստանի գրավումը

բ. Կապադովկիայի գրավումը

գ. Վիրքի և Ադվանքի հպատակեցումը

դ. Օսրոյենեի, Ադիաբենեի և Միգդոնիայի միացումը Հայոց թագավորությանը

ե. Հրեաստանի և Նաբաթեա թագավորության կողմից Տիգրանի գերիշխանության ընդունումը

զ. Պտղոմայիս քաղաքի գրավումը

է. Ծովքի միացումը Մեծ Հայքին

ը. Ասորիքի գրավումը

թ. Կորդուքի միացումը Մեծ Հայքին

ժ. պարթևների թագավորանիստ Էկբատանի գրավումը

- 1) դ
- 2) ը
- 3) ժ
- 4) ա

51. Իրադարձությունները դասավորել ժամանակագրական հաջորդականությամբ.

- ա. Աբգար Թոխաթեցու գլխավորած պատվիրակության մեկնումը Վենետիկ
- բ. Նոր Ջուղա բնակավայրի հիմնումը
- գ. Չալդրանի ճակատամարտը
- դ. Օսմանյան պետության հիմնադրումը Փոքր Ասիայում
- ե. եկեղեցական ժողովի գումարումը Մեքաստիայում
- զ. շահ Աբասի կազմակերպած հայ բնակչության բռնագաղթը
- է. Սմբատ Արծրունու օծումը հայոց թագավոր
- ը. կաթողիկոսական աթոռի վերահաստատումը Ս. Էջմիածնում
- թ. Էջմիածնի գաղտնի խորհրդակցության հրավիրումը Ստեփանոս Սալմաստեցու կողմից
- ժ. օսմանների կողմից Կոստանդնուպոլսի գրավումը

- 1) դ, ը, ժ, է, թ, գ, ա, ե, գ, բ
- 2) ը, ժ, դ, է, գ, թ, ե, գ, ա, բ
- 3) դ, ը, ժ, է, գ, թ, ե, ա, գ, բ
- 4) ը, ժ, դ, գ, թ, է, ե, ա, բ, գ

52. Իրադարձությունները դասավորել ժամանակագրական հաջորդականությամբ.

- ա. «Պաշտպան հայրենյաց» կազմակերպության անդամների դատավարությունը
- բ. «Հայրենասերների միություն» կազմակերպության հիմնադրումը
- գ. «Հայրենիքի սիրո գրասենյակ» խմբակի հիմնադրումը
- դ. Արմենական կուսակցության հիմնադրումը
- ե. «Վերակազմյալ հնչակյաններ» անունով Ա. Արփիարյանի թևի հանդես գալը
- զ. Համիդիե գնդերի ստեղծումը
- է. «Ազգային սահմանադրության» վավերացումը սուլթանական իշխանության կողմից
- ը. «Արևելյան թատրոնի» կազմավորումը Կ. Պոլսում
- թ. «Հայաստան» անվան գործածության արգելումը Աբդուլ Համիդ II-ի կողմից
- ժ. «Բարենպաստակ ընկերություն» խմբակի հիմնադրումը

- 1) է, ը, ժ, գ, ա, թ, բ, դ, ե, գ
- 2) ը, է, ժ, գ, ա, թ, դ, բ, գ, է
- 3) է, ժ, ը, թ, գ, բ, ա, դ, ե, գ
- 4) ը, է, ժ, գ, թ, բ, ա, դ, գ, է

53. Կատարել համապատասխանեցում.

1. Ջակոմո (Հակոբ) Չամչյան
2. Հովհաննես Ադամյան
3. Լևոն Օրբելի
4. Նիկողայոս Մառ

5. Մաղաքի արքեպիսկոպոս Օրմանյան

6. Նիկողայոս Ադոնց

ա. «Անի» աշխատության հեղինակը

բ. «Ազգապատում» աշխատության հեղինակը

գ. ժամանակակից երկրաքիմիա գիտաճյուղի հիմնադիրը

դ. ժամանակակից օրգանական լուսաքիմիայի հիմնադիրը

ե. Էվոյուցիոն ֆիզիոլոգիայի հիմնադիրը

զ. հեռավորության վրա գունավոր պատկեր հաղորդելու առաջին փորձը

է. «Հայաստանը Հուստինիանոսի դարաշրջանում» աշխատության հեղինակը

1) 1-ե, 2-զ, 3-դ, 4-գ, 5-ա, 6-բ

2) 1-զ, 2-դ, 3-ե, 4-գ, 5-բ, 6-է

3) 1-դ, 2-զ, 3-ե, 4-գ, 5-ա, 6-բ

4) 1-դ, 2-զ, 3-ե, 4-ա, 5-բ, 6-է

54. Ստորև բերված պնդումներից որո՞նք են սխալ.

ա. Սուրբ գրքի հայերեն թարգմանությունն անվանվել է Աստվածաշունչ:

բ. Հայրենիք վերադարձող Մեսրոպ Մաշտոցին Արաքսի ափին մեծ հանդիսավորությամբ դիմավորել են Վռամշապուհ արքան, Սահակ Պարթև կաթողիկոսը, նախարարագունդ ավագանին՝ ժողովրդի բազմության հետ:

գ. Մեսրոպ Մաշտոցը՝ հայ դպրության հիմնադիրը, գրել է հոգևոր ճառեր, երգեր, հատկապես շարականներ:

դ. Մեսրոպ Մաշտոցը տառեր է ստեղծել նաև վրաց և Արաքսի ձախափնյա բուն Աղվանքի ցեղերից մագքութների համար:

ե. Սահակ Պարթևի նամակով Մաշտոցը ներկայանում է բյուզանդական Թեոդոսիոս III-ին, ստանում է նրա համաձայնությունը Արևմտյան Հայաստանում ևս դպրոցներ բացելու համար:

զ. Հայկական դպրոցներ բացելու առաքելությունը երկրի արևմտյան մասում Մաշտոցն իրականացնում է 415-419 թթ.:

է. Առաջին բարձրագույն դպրոցը՝ վարդապետարանը, հիմնադրվել է Վաղարշապատում:

1) դ, գ, է

2) դ, է, գ

3) գ, դ, է

4) ա, բ, է

55. Բերված փաստարկներից որո՞նք են ճիշտ.

ա. 1992 թ. դեկտեմբերին Թուրքիան ճանաչեց Հայաստանի անկախությունը, բայց նրա հետ դիվանագիտական հարաբերություններ չհաստատեց:

բ. 1993 թ. մայիսի 18-ին հայ ազատամարտիկները մտան Լաչին:

գ. 2007 թ. հունվարի 19-ին Ստամբուլում ահաբեկչության զոհ դարձավ «Ակոս» թերթի խմբագիր Հրանտ Դինքը:

դ. 2009 թ. հոկտեմբերի 10-ին Յուրիխում Հայաստանի Հանրապետության և Թուրքիայի միջև ստորագրվեցին «Երկկողմ դիվանագիտական հարաբերությունների հաստատման և զարգացման մասին» արձանագրությունները:

ե. 1992 թ. հունվարի 8-ին ԼՂՀ Գերագույն խորհրդի նախագահ ընտրվեց 33-ամյա պատմաբան Արթուր Մկրտչյանը:

զ. 1920-ական թվականների սկզբին ամենամարդաշատ հայկական գաղթօջախը Շվեդիայում էր:

է. 1949 թ. օգոստոսին ՀՄԽՀ նախարարների խորհրդին առընթեր ներգաղթի կոմիտեն դադարեցրեց իր գործունեությունը:

ը. 2015 թ. հունվարից ՀՀ-ն Եվրոպայի խորհրդի (ԵԽ) լիիրավ անդամ է:

1) գ, դ, ե, է

2) բ, դ, ե, է

3) ա, բ, գ, ը

4) բ, գ, զ, ը

56. Ստորև թվարկված պատմական իրադարձությունների պատճառներից որո՞նք են ճիշտ.

ա. Արցախից Ռուսաստան Հովսեփ Էմինի հեռանալու պատճառը Սիմեոն Երևանցու և տեղի ուժերի կողմից նրան չօժանդակելն էր:

բ. Զեյթունի 1862 թ. ապստամբության ժամանակ զեյթունցիների հետ օսմանյան կառավարության փոխզիջման գնալու պատճառը Ռուսաստանի կողմից Թուրքիային պատերազմ հայտարարելու սպառնալիքն էր:

գ. Թուրքիայի՝ Առաջին աշխարհամարտի մեջ ներքաշվելու գլխավոր պատճառը թուրք-ռուսական դարավոր հակամարտությունն էր:

դ. 1914 թ. կնքված ռուս-թուրքական համաձայնագրի չիրագործվելու պատճառներից էր Բալկանյան առաջին պատերազմը:

ե. Անգլիայի և Ֆրանսիայի կողմից 1915 թ. Դարդանելի գործողությունը ձեռնարկելու պատճառը Կիլիկիայի և արաբական տարածքների գերմանական զորքերի ռազմակալման կասեցումն էր:

զ. Առաջին աշխարհամարտի ժամանակ ցարիզմի կողմից հայ կամավորական ջոկատների ցրման գլխավոր պատճառը հայերի անկախական ձգտումներն էին:

է. Հայ ժողովրդի նկատմամբ Նադիր շահի ցուցաբերած դրական վերաբերմունքի պատճառներից էր հակառուսական պայքարում հայ բնակչության օժանդակությունը ստանալը:

1) ա, դ, զ

2) բ, դ, ե

3) ա, գ, զ

4) բ, գ, է

57. Վանի թագավորության արքաների անունները համապատասխանեցնել նրանց հետ կապված իրադարձություններին.

1) Նրա օրոք տերության կառավարման ոլորտում համադաշնային կառավարման համակարգից սկսվեց անցում կատարվել կենտրոնացված պետության:

2) Նրան հաջողվեց բարեկամական և դաշնակցային հարաբերություններ հաստատել կիմերների հետ:

3) Նրա առաջնորդությամբ ստեղծվեց Վանի աշխարհակալությունը:

- 4) Նա է անցկացրել գրային բարեփոխումը Վանի թագավորությունում:
- 5) Նա կառուցեց 72 կմ երկարությամբ ջրանցք, որն օգտագործվում է մինչև օրս:
- 6) Նա Սևանա լճի ավազանում վերակառուցեց ամրոցներ և դրանք վերանվանեց Խալդի և Թեյշեբա աստվածների անուններով:

ա. Մենուա

բ. Իշպուհինի

գ. Սարդուրի II

դ. Սարդուրի I

ե. Ռուսա I

զ. Արգիշտի I

է. Ռուսա II

1) 1-գ, 2-ե, 3-ա, 4-ե, 5-դ, 6-բ

2) 1-բ, 2-գ, 3-զ, 4-դ, 5-ա, 6-ե

3) 1-գ, 2-զ, 3-ե, 4-ա, 5-բ, 6-ե

4) 1-գ, 2-ե, 3-զ, 4-բ, 5-ա, 6-ե

58. Ընտրել սխալ պնդումները.

ա. Օգտվելով Աքեմենյան վերջին տիրակալ Դարեհ III-ի՝ Մակեդոնացուց կրած պարտություններից՝ հայերը դեռևս Գավգամելայի ճակատամարտից առաջ հռչակում են Մեծ և Փոքր Հայքերի անկախությունը:

բ. Պոմպեոսի կողմից Պոնտոսը ռազմակալվելուց հետո Միհրդատ Եվպատորը նահանջեց իր տերության հյուսիսային երկրամասերը, որտեղ էլ Ք. ա. 63 թ. ինքնասպանությամբ վերջ տվեց կյանքին:

գ. Գահակալության վերջին շրջանում Տիգրան III-ը ձերբագատվեց Հռոմի միջամտություններից և, մերձենալով Պարթևստանին, սկսեց վարել ինքնուրույն քաղաքականություն:

դ. Օգտագործելով պատեհ առիթը՝ պարթևական զինված ուժերը՝ թագաժառանգ Բակուրի հրամանատարությամբ, և նրան օժանդակող հայկական զորամասերը՝ Վասակ զորավարի գլխավորությամբ, հռոմեացիներին դուրս մղեցին Կիլիկիայից, Ասորիքից, Փյունիկիայից, Պաղեստինից և Հրեաստանից:

ե. Հրահատ IV-ը հիանալի գիտակցում էր, որ Հայաստանից հետո Պարթևստանն է լինելու Հռոմի հաջորդ թիրախը, ուստի փոխեց իր վերաբերմունքը և ռազմական զգալի օգնություն տրամադրեց Հայաստանին:

զ. Արտավազդ II-ը Կրասոսին առաջարկում էր պարթևների դեմ արշավել ոչ թե Հայաստանի հարավով, այլ Ասորիքի անապատներով՝ հուսալով երկիրը գերծ պահել հռոմեացիների ասպատակություններից:

է. Խայտառակ ձևով պարտված Պետոսը սուտ լուր է ուղարկում Հռոմ, թե իբր Արևելքում իրավիճակը չի փոխվել, սակայն Ներոնը տեղեկացել էր, որ պարտված հռոմեական լեգեոնները հեռացել էին Հայաստանից:

ը. Հռոմեական կայսրությունում մղված գահակալական կռիվների ընթացքում չեզոքություն պահպանած հայոց Վաղարշ I թագավորը հաշտություն է կնքում հաղթանակած թեկնածուի և Հռոմի նոր կայսր Սեպտիմիոս Սևերոսի հետ:

- 1) ա, ե, ը
- 2) դ, ե, է
- 3) ա, գ, ը
- 4) բ, գ, զ

59.Տրված պնդումներից որո՞նք են ճիշտ.

ա. 1918 թ. հունվարին թուրքական զորքերը ներխուժել էին Արևելյան Հայաստան և Անդրկովկաս:

բ. Գերմանիայի ներկայացուցիչ ֆոն Լոսովի խորհրդով Հայոց ազգային խորհրդի ներկայացուցիչներ Հ. Օհանջանյանն ու Ա. Զուրաբյանը մեկնեցին Բեռլին:

գ. 1918 թ. մայիսի 27-ին հայտարարվեց Արևելակովկասյան մուսուլմանական հանրապետության անկախության մասին:

դ. 1918 թ. մայիսի 30-ին Թիֆլիսի մամուլում Ավետիս Ահարոնյանի ձևակերպումով հրապարակվեց Հայոց ազգային խորհրդի կոչը:

ե. Բաթումում 1918 թ. մայիսի 11-ին վերսկսված բանակցություններում թուրքական պատվիրակությունը գլխավորում էր Ք. Կարաբեքիր փաշան:

զ. Բաթումի հաշտության բանակցություններում հայ պատվիրակները տեղեկացրին, որ իրենք հանդես են գալիս Հայոց ազգային խորհրդի անունից:

է. Բաթումի պայմանագրով քեմալական կառավարությունն ընդունեց և ճանաչեց Հայաստանի անկախությունը:

ը. Նորահռչակ հայկական առաջին հանրապետության բարձրագույն օրենսդիր իշխանությունը կոչվեց Հայաստանի կառավարություն:

- 1) բ, գ, է
- 2) բ, գ, զ
- 3) դ, ե, զ
- 4) ա, դ, ը

60.Ընտրել տերմինների կամ հասկացությունների ճիշտ բացատրությունները.

1) Տաշիր-Ձորագետի թագավորության հիմնադիր Գուրգենը փախավ երկրից՝ զրկվելով իր հողային տարածքներից, որի համար էլ ստացավ «Անհողին» մականունը:

2) Դվին, ապա Պարտավ կենտրոնով արաբների ստեղծած վարչաքաղաքական միավորը կոչվեց Արմինիա ամիրայություն:

3) Իշխան Դավիթ Սահառունուն Հերակլ կայսեր շնորհած աստիճանը կոչվում էր պատրիկ-կյուրապաղատ:

4) Բագրատունյաց Հայաստանում գործակալությունների մեջ կարևոր էին ինքնակալ միապետի, իշխանաց իշխանի և սպարապետի պաշտոնները:

5) Միջնաբերդի շուրջը տարածվող բուն քաղաքը կոչվում էր շահաստան:

6) Բագրատունիների օրոք բանակը բաղկացած էր արքունական և նախարարական գնդերից:

7) Ազդեցիկ իշխանավորների և բարձր հոգևորականների պալատները կառուցված էին շահաստան կոչվող թաղամասում, որտեղ կենտրոնացված էին նաև հարուստ վաճառականների շենքերը, շուկաները, հյուրանոցները և այլն:

8) Թագավորական տիրույթներից հավաքագրված ռազմիկներից կազմված գունդը կոչվում էր արքունական:

61. Թվարկվածներից որո՞նք են պատմական իրադարձությունների իրական պատճառահետևանքային կապեր.

- 1) Մելչունների տիրապետության հաստատման հետևանքով Հայաստանի տարածքում ստեղծվեցին Երզնկայի, Տերիկի, Կեսարիայի և Ադանայի սելջուկյան իշխանությունները:
- 2) Հայ-վրացական զինակցության արդյունքում սելջուկների լծից ազատվեցին Հայաստանի կենտրոնական ու հարավային շրջանները:
- 3) Անիի Բագրատունիներին ենթակա թագավորությունների առաջացման պատճառը զարգացած ավատատիրության շրջանում գոյություն ունեցող ավատատիրական մասնատվածությունն ու իշխանների կենտրոնախույս ձգտումներն էին:
- 4) Թեոդորոս Ռշտունուն ազատ արձակելու պատճառը Հայաստանը Բյուզանդական կայսրության ոլորտում պահելն էր:
- 5) Նախարարների հետ Տիրանի ունեցած բարդ հարաբերությունների հետևանքով կորուստներ կրեցին Արծրունյաց և Բզնունյաց նախարարական տոհմերը:
- 6) Ժառանգական նախարարական խոշոր հողատիրության աճի հետևանքով թագավորական հողատիրությունը կրճատվում և ամփոփվում էր Միջնաշխարհում գտնվող ռուսանում:
- 7) Ավատատիրության խորացմամբ ծառայող ազնվականության հողատարածքները մասնատվում էին, ինչի հետևանքով մեծանում էին թագավորական, պետական հողերը:

62. Թվարկվածներից որո՞նք 298 թ. Մծբինի պայմանագրի հետևանքներ չեն.

- 1) Արշակունիներն ամրապնդվեցին հայոց գահին:
- 2) Ընդունվեց Միլանի հրովարտակը:
- 3) Հայաստանը թոթափեց Աքեմենյանների գերիշխանությունը:
- 4) Պարսից թագավոր Վաղարշ I-ը ճանաչեց Մեծ Հայքի անկախությունը:
- 5) Տրդատ III-ը վերջնականապես ճանաչվեց Մեծ Հայքի թագավոր:
- 6) Վերականգնվեց Հայոց աշխարհի ամբողջականությունը:
- 7) Տրդատ III-ը սկսեց զբաղվել երկրի հզորացմամբ և շինարարությամբ:

63. Ընտրել սխալ փաստարկները.

- 1) 1918 թ. ապրիլի 11-ից հունիսի 4-ը Անդրկովկասի իշխանությունները Բաթումում հաշտության բանակցություններ են վարել թուրքերի հետ:
- 2) 1918 թ. մարտի 1-ից ապրիլի 1-ը Տրապիզոնում Անդրկովկասյան Մեյմի և Թուրքիայի միջև ընթացել են բանակցություններ:
- 3) 1917 թ. մայիսի 2-11-ը կայացել է արևմտահայերի երկրորդ համագումարը Երևանում:
- 4) 1826 թ. սեպտեմբերի սկզբներին հայազգի գեներալ Վալերիան Մադաթովի զորագունդը հետ է գրավում Գանձակը:
- 5) 1827 թ. Գալուստ Շերմազանյանը թատերական շենքի վերածած իր երկհարկանի տանը բեմադրել է հայ և օտար դրամատուրգների պիեսներ:
- 6) 1829 թ. հունիսի 24-ին Բ. Պասկևիչի գլխավորած ռուսական հիմնական ուժերը գրավում են Հասան կալան:
- 7) 1891 թ. սկզբին կնքված համաձայնագրով Հնչակյան կուսակցությունը միացել է ՀՅԴ-ին:
- 8) 1918 թ. ապրիլի 6-8-ը Ալեքսանդրապոլում տեղի է ունեցել հայ ազգային քաղաքական կազմակերպությունների ներկայացուցիչների խորհրդակցություն:

64.Տրված փաստարկներից որո՞նք են ճիշտ.

- 1) Կապիտան Արսեն Շահմազյանը 1919 թ. նոյեմբերին ժամանեց Գորիս և ստանձնեց Արցախի գեներալ-կոմիսարի պաշտոնը:
- 2) Արսեն Շահմազյանին գեներալ-կոմիսարի պաշտոնում փոխարինեց Սերգեյ Մելիք-Յուլյանը:
- 3) Բաքվի 1918 թ. ինքնապաշտպանության գործում մեծ դեր ունեցան գեներալ Նազարբեկյանը, Դրոն, Համազասպը, Գրիգորի Կորգանովը և ուրիշներ:
- 4) Այնթապի ինքնապաշտպանության բարձրագույն խորհրդի նախագահն էր հոգևոր առաջնորդ Պետրոս Սարաճյանը:
- 5) Մուղրոսի զինադադարից հետո Անդրկովկասում ամրապնդվեցին Անգլիայի դիրքերը:
- 6) Բաքվի 26 կոմիսարները 1918 թ. սեպտեմբերի 15-ին գնդակահարվեցին անդրկասպյան էսեռական իշխանությունների և անգլիացիների կողմից:
- 7) Շուշիում կայացած արցախահայության առաջին համագումարը երկրամասը հռչակեց անկախ վարչաքաղաքական միավոր և կազմեց «Ղարաբաղի ժողովրդական կառավարություն»:
- 8) Կիլիկիայում 1920 թ. սկզբներին ապրում էր 300 հազար հայ, սակայն տեղում հաստատված ֆրանսիական վարչությունը լուրջ քայլեր չձեռնարկեց հայերի անվտանգությունն ապահովելու համար:
- 9) Մուղրոսի զինադադարից հետո Կիլիկիան զինագրավվեց ֆրանսիական զորքերի կողմից, իսկ 1919 թ. նոյեմբերին նրանց փոխարինեցին անգլիական զորքերը:

65.Թվարկվածներից որո՞նք են խախտում 1918 թ. թուրք-հայկական պատերազմի դեպքերի տրված շարքի ժամանակագրական հաջորդականությունը.

- 1) թուրքական զորքերի կողմից Սարիղամիշի գրավումը
- 2) Կարսի՝ առանց դիմադրության թուրքերին հանձնվելը
- 3) Ալեքսանդրապոլի գրավումը թուրքերի կողմից
- 4) Սասունցի Մանուկի և Մուշեղի գլխավորությամբ Ներքին Թալինի բերդի գրավումը
- 5) թուրքական զորքերի ներխուժումը Ջավախք հարավ-արևմուտքից
- 6) հայկական զորքերի կողմից Սարդարապատի հետգրավումը
- 7) Բաշ-Ապարանի ճակատում հայկական ուժերի վերջնական հաղթանակը
- 8) Ղարաքիլիսայի հերոսամարտի ավարտը
- 9) Շիրակում՝ Սոգյութլուի (Մառնադբյուր) ճակատում, հայկական ուժերի հաղթական կռիվների ավարտը

66.Իրադարձությունները դասավորել ժամանակագրական հաջորդականությամբ.

- 1) «Կոլցո» («Օղակ») ռազմական գործողության իրականացումը
- 2) բոլոր զինված ջոկատները ԼՂՀ ինքնապաշտպանական ուժեր կոչելու մասին ԼՂՀ Գերագույն խորհրդի հատուկ որոշման ընդունումը
- 3) ՀՀ-ում վարչատարածքային նոր միավորների՝ 10 մարզերի ստեղծումը
- 4) «Հայկական ԽՍՀ-ի և Լեռնային Ղարաբաղի վերամիավորման մասին» համատեղ որոշման ընդունումը

5) ՀՀ Գերագույն խորհրդի սահմանադրական հանձնաժողովի ստեղծումը

6) ԼՂԻՄ-ի Հատուկ կառավարման կոմիտեի վերացումը

67. Իրադարձությունները դասավորել ժամանակագրական հաջորդականությամբ.

1) «Հայոց մեծ թվականի» սահմանվելը

2) Խաչափայտի ազատագրումը և վերադարձը Երուսաղեմ

3) Արշակ Արշակունու մասնակցությունը բյուզանդական կայսեր դեմ կազմակերպված խռովությանը

4) Ներսես Կամսարականի ճանաչվելը հայոց իշխան բյուզանդական կայսեր կողմից

5) Բյուզանդիայի և Պարսկաստանի միջև «հավիտենական» կոչված հաշտության կնքումը

6) Կոմիտաս Մամիկոնյան ու Մաթեոս Ամատունի եպիսկոպոսների և Սմբատ Բագրատունու մասնակցությունը Տիգրանի ժողովին

68. Կատարել համապատասխանեցում.

ա. նեպից հրաժարվելու և կուլակությունը որպես դասակարգ վերացնելու քաղաքականության անցումը

բ. գյուղմիասնարկի շրջանառության մեջ մտնելը Հայաստանում

գ. Դաշնակցության երիտասարդական միության «ինքնավերացման» համագումարը

դ. ՀԿԵՄ-ի ստեղծումը

ե. Հայոց եկեղեցու կողմից Մեծ եղեռնի օրվա՝ ապրիլի 24-ի նշումն արգելող խորհրդային իշխանության հատուկ որոշման ընդունումը

զ. Աղասի Խանջյանի սպանությունը

1) 1926 թ.

2) 1929 թ.

3) 1921 թ.

4) 1923 թ.

5) 1924 թ.

6) 1936 թ.

7) 1930 թ.

69. Կատարել համապատասխանեցում.

Մականուն

ա. Մեծն Մուրադ

բ. Փարամազ

գ. Իշխան

դ. Ռոստոմ

ե. Կոմս

զ. Գարուն Աղասի

Անուն

1) Ավետիս Նազարբեկյան

2) Հովսեփ Արղության

3) Վահան Փափազյան

- 4) Համբարձում Պոյաճյան
- 5) Կարապետ Թուր-Սարգսյան
- 6) Մատթեոս Սարգսյան
- 7) Ստեփան Զորյան

70. Տրված 6 պնդումներից յուրաքանչյուրի համար ընտրել՝ ճիշտ է, Միսալ է, Չգիտեմ պատասխաններից որևէ մեկը:

- 1) Տիգրան Երվանդյանը վճռական պայքարում սպանել է Մարաստանի արքա Աժդահակին:
- 2) Հայկագունների վերականգնված իշխանությունը Հայկական լեռնաշխարհի հարավ-արևելքում էր և համապատասխանում է սեպագիր աղբյուրներում հիշատակվող Արմե-Շուրբիա պետական կազմավորմանը:
- 3) Հայկագունների տոհմի իշխանությունը Սկայորդու գլխավորությամբ վերականգնվել է Ք. ա. VII դ. վերջին:
- 4) Պարույր նահապետը Ասորեստանի մայրաքաղաք Նինվեն գրավելուց հետո թագադրվեց Մարաստանի արքայի կոդմից և ճանաչվեց Հայաստանի թագավոր:
- 5) Երվանդ Մակավակյացի օրոք Հայոց թագավորության սահմանները հյուսիս-արևմուտքում հասնում էին Սև ծով, հյուսիս-արևելքում՝ Կուր գետ, արևելքում՝ Մեղիա, հարավում՝ Հյուսիսային Միջագետք:
- 6) Տիգրան Երվանդյանի դաշնակիցը մարերի դեմ պայքարում պարսից արքա Կյուրոս II Մեծն էր